

三松堂集

三松堂集卷十

始甲寅夏
至乙卯秋

吳縣潘奕雋榕皋

送劉崧嵐赴任奉天

觸熱更何去臨歧各黯然
榮歸捧檄我信退無田鐵
嶺雲千樹金閭月一船
相思不相見鴻影盼遙天

山行得僧舍小憩

雨止溼雲飛行行入翠微
嵐光環竹鳴溪響集松扉
香爐茶初熟日斜僧未歸
浮生榆景迫息影願皈依

銅井獨遊感懷程在山有作

山深鐘不到格格野禽鳴
雨歇徑逾淨衣單體自輕
沿

三松堂集

卷十

溪尋鹿跡入竹聽泉聲只合呼林叟閒拖筇杖行
春風引短策記款邈園扉花影移吟几湖光上客衣年
華彈指換人事轉頭非欲問清暉閣長松斜照微

爲張東畬寫蘭

秋風昨夜到幽齋一片芳心印素懷寄語湘江初佩者
莫教蕭艾長庭階

讀南唐書

賀監遺榮亮節孤青門佳話近時無笑他競進馮延巳
也乞君王元武湖

瘦童羸馬苦伶仃詩就鍾山筆不停莫道主司精鑒別

老僧先識伍喬星

霞裾玉貌似瓊英雪錠金盆唾手成却笑方山誅道士
寫真猶奉耿先生

胸次峻嶒氣鬱盤酒酣斫地夜漫漫誰令野客深宮老
閒煞笥中兩錫丸

朱蕉圃避暑圖

松濤繞壑澗泉流六月林間似早秋始信蕭閒原有地
蒼蠅白鳥一齊休

翦冰作佩集荷衣我亦經年坐釣磯布韞青鞵還健在
與君並坐看雲飛

題李補樵畫卷

曾作鍾吾五日留甯邦晚眺憶同游知君袖有倪迂手
畫本詩材到處收

松徑蒼茫夕照曛上方樵唱下方聞何當更結芒屨侶
與爾平分半嶺雲

爲韓旭亭題小林屋圖

天地一逆旅林壑甯有私偶爲君子居遂令後世思豈
惟賢子孫緬想先澤遺我來小林屋治隱追前徽邈世
無所疑飲水可療飢迄今二百載世世清芬貽奇峰含
雨意老樹抽孫枝種德古有亭爲誦坡仙詩

張芝岡讀書秋樹根圖

玉堂茅舍總南柯
抽得閒身足嘯歌
黃葉滿頭風滿袖
一枝穩處是吟窩

老樹柴門寄此身
青氈故物味偏新
錢刀粉黛吾無分
合共芸編伴古人

卽事

巧拙人生最不同
守雌何必更知雄
春蠶作繭蛛成網
一樣辛勤一樣空

題周東田畫

懸崖古木鬱蒼蒼
絕磴凌虛鳥道長
記得飛雲秋正好

聽泉啜茗贊公房

遠水粼粼碧映空
菰蒲含雨柳搖風
何當小築前村住
同作春溪放鴨翁

于忠肅公遺墨

雨帝雨帝城門閉
一腔熱血灑何地
救時宰相呂飴甥
謀國身家原不計
隻手乾坤看獨擎
倚公當日如長城
朝廷清晏邀天祐
荷眷摛詞慶太平
篇中有朝廷清晏等語又有自天祐
之荷天厚
寵諸印
此書奉敕何年月
譙喜君臣誌相悅
衢尊場
衢尊意洽場
有嘉賓之詩作君臣相悅
藿頌含箴想見垂
紳立殿闕
之樂皆
大節堂堂不世勳
豈以筆墨誇通神
故知骨力

本天授卓犖揮毫自不羣卽今冤獄留青史此舉無名
公竟死朵兒痛哭酬忠魂側注從兄能不恥尺幅流傳
歷幾春甘棠愛護由思人千秋翰墨存精魂莫教蟬食
塵煤涇

題駱佩香女史秋燈課女圖

秋聲寥落漏聲遲繡闥風清夜課時吟到柏舟神慘淡
半生心事一燈知

世業青氈未肯忘謝庭有女守巾箱玉臺他日傳新詠
不數松陵午夢堂

十月下澣默齋供菊招飲次立崖韻

四事從來巧合難邀賓好趁未風寒休思絳闕書青簡
且對金英倒玉團歲晚不憂無伴賞開遲偏耐帶霜看
短屏翦取疏籬影留與吾儕作古歡

收拾籬香到畫堂錦屏綈几爛生光亞枝未礙聊隨俗
晚節何心欲避霜試酌仙家益壽酒閒尋秘笈駐顏方
請看耐久秋容好肯與春花競艷陽

春草閒房圖爲郭匏雅卽和原韻

莫笑詩人性太憨閉門吾亦樂幽探北風正厲冬迎九
舊雨重來徑啟三世慮似塵宜漸埽交情如水不求甘
寒窗只愛梅花好雪壓霜侵意轉酣

虎邱寺用東坡韻

茲山雖名邱而自具岡嶺古跡指劍池森沉似陰井行
人春游集談往心徒耿樹古拏龍蛇泉清絕蝦黽生公
不重來誰與悟頑礦空餘魯公書抉石怒猊猛紛紛塵
網中役役羣動騁青松多悲風鬼語夜淒哽我來秋方
中看雲坐千頃花木已蕭瑟節候未寒冷老僧爲開軒
境靜趣彌永近游體無疲天與娛閒景鐘動出寺門斜
輝淡嵐影晒彼帶瓢人捐蘿應辟請

東畚齋中盆梅大放宛成鳳形作花鳳詩紀瑞

索和因次其韻

元日高齋送喜新奇舞鳳現花身和羹預識丹山瑞
諧律先回庾嶺春蠟樹戲餘珠彩合元亭夢醒墨香勻
逋仙莫厭孤山冷十賚看頒臥雪人

走訪東畚欲觀花鳳適東畚往山塘留贈

寒水一篙橫尋君趁曉晴城樓餘雪色市鼓散春聲花
好不同賞詩成空復情終期同泛艇和暖白隄行
東畚訂游山塘以天寒遲之而東畚已先往故云

寄懷王翠庭太守

粉闌當日重才名畿輔連年聽頌聲雲樹江天春漠漠
舊游回首不勝情

長城陡絕復縈紆
移帳聯鑣夜疾趨
記否清明菩薩頂
四山風雪坐圍鑪

掖垣旭日上觚棱
小立清言每服膺
自笑鷁螟甘處曉
却瞻溟渤憶鯤鵬

生涯寥落我堪嗟
只合扶犁送歲華
一語寄聲差自喜
春來七度看梅花

掩關

星象無心占少微
掩關久矣息塵鞿
浮生但欲從吾好
壯志何能與命違
腐草露濃螢自化
茂林霜隕葉還飛
細思物理須行樂
奚事區區悔昨非

送何春巖之任袁州司馬

易于政績兩江推
緊望頻聞薦上才
茂苑其期迎五馬
詔書先已下三臺
班春好鼓劉河舵
按部行看庾嶺梅
會見恩綸重疊降
吳儂引領繡衣來

寄左蘭城鎮江

綠陰濃合劒池邊
憶結僧窗翰墨緣
詩逼小倉傾老輩
書摹快雨壓時賢
蘭城學書于夢樓學詩于簡齋
山塘棹遠曾牽夢
京口箋來又隔年
鄧尉梅花今正好
渡頭重望鄂君船

送畢補垣赴開化任

沖霄幾輩翮連翩
十載雲衢悔著鞭
賦雪但傾梁苑酒

哦松且放剡溪船
市橋春漲迷嵐影
官閣秋雲帶橘煙
聞道風流重袁尹
肯教百里滯名賢

題畫蟹

被野熟香秔如聞郭索聲
直思傾玉醴猶想對金英
孤艇蘆中宿一燈
簾上明莫矜螯爪利
信爾可橫行

胡丹崖同年擢守鳳陽卽送之任

詔書昨日拜 恩榮方面眞宜任
老成直以樸誠邀

特簡不將鉤距博虛名
松高得露枝添翠
鶴瘦盤雲韻
轉清莫怪歡聲徧
閭左十年前已望專城

歐陽門下盡賢才

先生會試出
定圃師門

江左循聲廿載推
屬吏

已深來暮感故人自切去思懷後期屈指迎行帳前夜
論心勸引杯佇見恩綸稠疊賁碧幢還擁繡衣來

探梅鄧尉不果豫齋邀遊佛華禪院俗所謂小

袁墓者也適汪郎中訥菴至遂拉同游

花信山僧報衰年愛近游同心來靜侶攜酒放扁舟野
色晴沙暖春光古寺幽潭東應自好一壑且淹留
喧處偏耽寂禪房一徑深別開香世界自有小園林花
氣薰斜照鐘聲落遠岑憑軒聊放眼吾已滌煩襟

虎阜禪寺玉蘭花下徙倚竟日得詩二首

爲訪前朝樹重遊蘼蔔林諸天晴靄合一塢白雲深不

作書空字如呈無垢心笑他車馬客花發便相尋

選佛場仍敞聯吟社久荒

余年十五六時先大父先君子詩人汪山樵常春遊看花

于此顏非當日少花似往時香日落人還集枝高蝶轉忙
綠衣何處女異事憶唐昌

憶蘭

同心經歲別芳信問江蘿夜雨湘波闊春風澗草披韻
宜柔翰寫香有素琴知迢遞汀洲夢何人遺一枝

種蘭

九畹許招尋交情契斷金直緣臭味合肯使萊蕪侵細
雨香泥潤微風翠幙深虛堂松竹裏紉佩幾同心

對蘭

高館疑空谷忘言意自親幽甯能媚世香本不因人脈
脈琴書畔瀟瀟風雨晨相看芳竟體晤對亦前因

畫蘭

斐几臨風坐悠然逸興生露凝筠管重香入墨池縈倚
石枝偏瘦添苔韻更清曲屏霜不到長傍謝庭榮

題吳槎客桐陰小牘後

賤寄宮亭亦偶然香添紅袖或前緣豈知姹女河間杳
忽化明珠掌上圓賦白頭吟甯有婦放楊枝事笑當年
鍾離高誼眞千古合譜新詞付管絃

訪呂修林至天平山遇范湘筠昆仲遂同游白

雲精舍

訪友因浮艇探幽遂入山雲房依翠巘春樹護晴關聯
璧欣同趣層崖許共攀泉聲留客坐日暮不知還

宿兼山閣聞鳥聲

卅年前憶宿天平宦海浮沉事隔生誰料兼山孤夢醒
擁衾重聽畫眉聲

乙卯會試子世璜捷南宮

恩賜一甲三名及第授職編修詩以紀

恩兼示世璜姪世恩

投紋飛騰暮景斜一經世業望傳家欣添插架登科記
笑看沿階及第花祖德深長培豈易

國恩重疊報無涯金階滑慄前賢語著腳甯容一步差
胡丹崖同年擢守鳳陽余既有詩送行別後半
月伴來持吳竹堂同年所作煙林送別圖索
題用卷中李松雲太守韻二首

臨濠人喜獲賢侯吳下心知念昔游試看煙林圖舊雨
豈無驛夢到蘇州春山雲樹征帆遠綠浪東西惠澤留
料得攜賓頻嘯詠有時還話阿儂不

知己天涯若比鄰一江何慮隔音塵最憐退士甘沉默

苦憶清言接燕申地瘠自來風氣古居高難得部民親
山川信美官多暇莫惜魚箋惠遠春

西窗竹下書寄畏堂

種竹西軒筍已生佇看來歲綠陰成白頭何日依窗坐
同對寒燈聽雨聲

試硯齋圖爲汪心農

端溪綠淨不可唾踏天割雲雲乍破何年巧匠運神斤
一片寒光驚李賀試硯齋如寶晉齋蕉桐引露覆苔階
井華初汲簾初卷滿院天香金粟開心農好古今無匹
暇日逍遙坐硯北雪繭新填白石詞鳥絲閒試廷珪墨

姬人問學太清樓格仿簪花不礙柔想見捧來棐几側
看君懸腕灑銀鉤

秋林獨坐圖

白雲盪我胸紅葉舞我袂幽人寂無言心與太虛契
獨坐秋林裏山深日更長笑他車馬客朝市一生忙

初夏漫興

短榻茶煙颺鬢絲呼童試把竹窗支晴光澹沱閒能領
衰境侵尋靜始知生客漸欣投刺少故人應怪答書遲
幽懷只愛吾廬好新筍林間茁兩枝

鍾吾道士採藥圖

嘗茶看畫坐山房六十輪君鬢未蒼一柄長鑱生計好
仙家原有駐顏方

竹夫人

桃笙展處帳如煙好伴幽窗一枕眠豈有閒情嫌骨出
本來無色況心堅涼生蝶夢餘殘暑香惹冰肌亦夙緣
喚作青奴原不惜要他擁髻鎮相憐

居然嚼蠟視橫陳試認芭蕉一樣身爲雨爲雲疑夢杳
不言不笑却情親天寒袖薄思前事林下風清憶古人
最是虛心能任運肯隨團扇嘆凝塵

高眠贏得是平安早有秋聲到碧欄色相已從空相悟

此君合作細君看平鋪滑簟宜同夢薄疊輕羅似合歡
新粉尙含香汗漬錯疑湘淚未曾乾

清涼又送一年秋訣絕何須賦白頭與我周旋同法喜
靜人紛擾是天遊虛空早識身爲幻棄置誰憐命不猶
但得忘情能免俗長門金屋總無愁

送熊蔚亭方伯之任雲南

我

后重岳牧勤恤在黎元溫溫鉛山公江介駐鹿轡春風
藹然來薺棘成蘭蓀皎日一以照岸獄無覆盆公或不
自慙民咸戴公恩昨已賁

鸞書旬宣

命南轅甘棠聽訟樹勿拜遺愛存賤子慕仁聲受廬栖
故園燕見不敢數每見欽溫言風清畫戟靜雲動隼旗
翻借寇願虛切攀嵇情彌敦衮衣頌他時重莅金閭門
和韓梅坡移居韻

廬下無勞借一椽肯將傲骨受時憐試看慧曉池邊柳
何似張融岸上船屋角小溪晴漲滿門前老樹午陰圓
伯休名姓今真隱底事尋山更訪仙

竹屋松扉薜荔牆早聞畏壘祝庚桑能辭世網何營競
漸淡名心可退藏花徑討春還得句墨池試筆自生香

三才堂集 卷一
鐵門限外屢恒滿只恐書逋未易償

埽盡塵緣夢亦清息交我擬學淵明移來密竹篩蟾影
種得甘蕉送雨聲長劍華纓除妄想濁醪粗飯足餘生
惟應東郭忘機叟脈脈相看識此情

學荒一任此心聾蹤跡年來似浪翁閉戶已甘長抱甕
休糧何處問埋菰未能大隱聊中隱要擲詩筒把釣筒
最愛梅花風雪句醉鄉還擬訪無功

題吳竹虛臨馬湘蘭畫幅

雪窗官舍月如銀八幅臨來韻逼真他日藝林傳逸事
不知誰是賞音人

句容駱秋亭女史四十壽寄詩索和十六韻

生世慨浮休所遇時亦偶區區強分別窮通與天壽達
人悟其旨一笑置已久

熙朝盛文儒著作數某某鍾秀逮閨閣秋亭實推首詩
篇謝家女經術韋氏母束身閨闈間上與古人友門前
山光浮屋後江聲走委懷空塵緣游心騁文藪清福天
所慳賦畀良獨厚窮通本度外天壽更何有飛騰光景
馳初度謝置酒作詩記感懷咳吐成珠玑天才追道韞
鄙見愧劉柳濡毫陳蕪詞用代酌大斗非徒祈長生庶
以蘄不朽

同李筠林雲隱寺看桂花

中峰高躅遠雲隱寺門荒老樹何年植游人此日忙塵
看封佛座花自散天香一幘應遺物題名認子昂
碑蝕前朝字香濃別院樓禪門慨興廢人世哂浮休衣
鉢誰能守茶瓜客暫留斜陽歸騎緩聊復散吾憂

三松堂對月

何以天邊月今宵分外圓濤聲松韻遠霜影菊枝妍靜
喜塵氛洗清聯翰墨緣姮娥應戀客露重不知眠

十六夜對月復用圓字韻

銀蟾真解事爲我十分圓桂影濃移幙松風涼拂絃
讌

談欣夜永晴暖喜旬連水調歌休按淩虛怕欲仙

蔣謙齋太守輓詩

識君逾卅載投老更情親各有難酬願相憐勇退身寒
廳嫌燭短春徑賞花新北郭談心侶傷哉少一人

網師園二十韻爲瞿遠村賦

金閨苦喧闕南城喜閒敞網師宋家園興廢一俯仰俗
士馳紛華高情愛疏爽摧頽改前規締構寄新賞修廊
臥晴波幽館施疏幌疊巘排玲瓏虛亭面滉瀟樹密涼
蔭濃磴深暗溜響曲折奧曠兼遠近心目放開軒延古
歡埽徑招吾黨是時夏之初氣和天澄朗繁葩送幽馨

微禽弄清吭境靜合元虛神怡蕩塵埃翰墨緣契今管
絃興殊曩伊余秉微尙泉石結遐想秋風澧水帆細雨
飛雲輞歸耕守一廛濟勝阻修廣茲焉滌煩襟佳景誠
無兩爲樂當及時古人豈我罔塗迴宜巾車濠通可理
榜不速期同心風流庶來往

懷人詩四首

魯南晚給諫

蘭枝

魚頭風節自堂堂廿載含香夕拜郎月落參橫街鼓靜
記銜卮酒話江鄉

額約齋郎中

勒布

綠陰晝靜正鳴珂色養萊庭樂事多彈指年光真逝水

簿書風月等消磨

來書有輓輓簿書與經綸風月孰勞孰逸之語故云

馮魚山農部 敏昌

寫得芳蘭如蕓石吟成好句似覃溪海南名士黎

簡張

錦芳

並欲擬魚山未許齊

劉崧嵐刺史 大觀

每從海舶誦新詩苦恨酬箋去燕遲捧硯司香還進酒

風懷是否似年時

捧硯司香還進酒崧嵐自賦湘花詞也

三松堂集卷十一

始乙卯冬至丁巳春

吳縣潘奕雋榕皋

十月廿七日默齋招飲

西風埽落葉凜然歲將終閒身無遠圖閉戶歌幽風故人具杯盤邀我銷寒同吾聞古人語至樂惟杯中一引俗慮散三爵天懷空毋爲嫌小戶一勺同千鍾

貴人愛新交退士戀舊友士衡我同袍取友固不苟非徒期真率意在能耐久破礪登香杭冒雨翦初韭莫更談鼎鐘聊復酌瓦缶不見東方士三旬食遇九

年增世味衰百念俱灰冷放誕喜縱遊束縛畏千請今

朝樂復樂樂在意得逞初筵末節捐改席雄辯騁小令
戲藏鉤徵事更說餅卜晝有成言晷短燭仍秉

魚沫思江濤鳥鳴求匹曹有生各有願願外心徒勞瀟
瀟風雨晨相對宜鋪糟鑪香浮靄靄窗竹鳴騷騷欣吾
心體適慕君志趣高浮沉何足道妙理咀醇醪

張廣文芝岡招爲消寒第二集

我愛張平子秋霜鬢未侵交能全死友義不問千金斗
室觀羣動高懷寄短吟諸公從袞袞自葆歲寒心

門對婁江水尊移孟氏鄰

飲於周氏書齋

家風傳退讓酒味領

清醇急景潛迎九疎枝暗逗春桑榆同逐暖不是慕沉

淪

陸謹庭默齋范芝巖張芝岡弟雲浦飲三松堂

消寒三集和韻

耳熱何嫌數爵頻

近頻得京華故人陞轉消息

心寬喜作自由身相

逢且酌逡巡酒同調宜呼澹蕩人庭竹經霜初解籜

庭前

方竹入秋乃茁

砌萱迎臘又回春醉餘坐石思烹茗笑拾松根

墮地鱗

分無仙骨似蘇耽真訣閒從內景探丈室元神惟抱一
衡門曲徑乍開三寒蔬未足娛嘉客小飲聊思博劇談
消息天心君悟否盆梅紅已十分酣

復和芝巖韻兼寄立崖

兩春逢閏歲臘月不知寒

吳諺有兩春夾一冬無被暖烘烘之語今年尤驗

徑

或開禪伯門還閉達官祛愁傾竹葉返照護泥丸却怪

蘇齋叟迎冬何鮮歡

前集立崖先散今復不至故云

老范長城擅吟來韻最高騷情濃近柳古味淡於陶涉

筆深三昧銜杯貌二豪竹林遊可續不必慕山濤

六人同聚

余邀謹庭而成七

題汪初庵玩印圖

龜迴左顧曾呈瑞鵲化林間亦兆祥料得高人心似水

不將蕙帶換金章

生公石上記論文漢王秦銅變體紛最憶錦函親拂拭

土花紅暈認文君

初庵藏銅章三千方以文君印爲最古

陸孝廉沅赴試春官張東畚畫墨梅佛手送行

索題

墨池靄春雲畫好詩亦好持贈平原君善頌推張老
羹待和瑤席花先報小園華堂晴晝暖應手掇春元

雪後尋梅步司徒廟下

山深瀟瀟響溪流清景難邀熱客遊記得春宵新霽夜
滿身花影宿僧樓

雨次京口有懷雲浦

柳暗闌間城春流接岸平知君聽雨坐憶我挂帆行鐵
甕夜潮落蒜山溼翠橫晨朝渡揚子愁聽鶉鴂聲

王家營登車作

草綠江南正好春閒吟喜作自由身誰知樓谷犁雲客
重作登車攬轡人翦燭論心懷舊侶鳴珂待漏記前塵
料他京國團圞者計我行程屈指頻

重興道中

河濱陳迹此重經牛鐸車鈴耳倦聽尙是江南好風景
菜花黃間麥苗青

心自歸田甘靜寂身從行役覺衰遲閒雲舒卷原無意

贏得燕遊數首詩

楊化道中桃花

一樹天紅出短牆最憐絕艷託窮鄉
風前雀護頭全白無復情懷更乞漿

車中靜坐

養生固多方止念要第一平生苦紛拏
瞬息慮百出何知塵勞中埽除得靜謐
豈惟謝應酬兼亦捐卷帙無須鼓記里儼
學僧趺膝河車依車輪旋轉工夫密疲驢如
解意透遲不復疾息息復深深身勞心轉逸
日昃指前村言投順河驛

五鼓發順河

四更客夢醒五更脂車行行戒徒御途遠宜宵征

是日

自順河至紅花鋪入山東界計百二十里春暮時候和沙軟驛路平濛濛微

月中村落梨花明假寐須臾間天曙雞亦鳴初陽升柔

祇默禱一路晴年豐菜麥熟彌望青黃盈莫謂征人勞

農家已曉耕

紅花鋪始入山東界以詩代柬寄弟畏堂子世

璜各一首

出處非意料離合由天成我昔歸吳門君方出帝城

還朝知我去倉卒心應驚間濶幾何時歲琯已八更看

雲白日永聽雨寒燈青我衰不再出君歸未成行豈知
入今年京華重合并懸知連夜坐喜見燈花生所恨不
能留北轅仍南征歡悰今未展別緒先交縈世味嘗乃
淡名心老逾輕菟裘他日計爲君已先營何時三松堂
同聽松風聲花明春放棹月皎秋飛觥佇君二三年來
就沙鷗盟歡聲報童僕畫舫花橋橫

昨暮宿吳域今日來青齊歸田年已艾何爲是栖栖行
役豈不勞念爾身留稽爲汝挈家累與爾司鹽齎居官
不知儉後悔徒噬臍報國更何持空疎恐貽詆我來
行當去莫但心含淒同朝父事人一一羅天墀汝能

自得師何異我耳提仲父況汝愛晨夕能指迷升沉命
已定無爲效突梯我今雖衰孱尙未須扶攜春遊還東
山秋賞時西溪汝能守汝身吾自安吾犁不願肘懸印
不願手執圭清班本分官緩步或可躋還期早歸舍與
我勸春畦

車過傾蓋亭有懷孔莊谷谷園輿軒三故人東
朱滄湄比部亭在郊城縣北十里鋪

平生投分與誰親膠漆金蘭亦宿因傾蓋千秋傳故事
停車有客正懷人書傳葭谷留遺墨樹啟微波又好春
更愛一編儀鄭刻滄湄風義世無倫

谷園自號葭谷所
書玉虹樓墨刻盛

行於時微波榭葢谷家園書齋滄湄爲輿
軒之甥輿軒逝後滄湄爲刻儀鄭堂遺文

李家莊道中有懷立崖時立崖先余赴都計當

至直隸矣

七十懸車歲脂車何所之此心原不繫千里有相思日
落河間府風高董子祠何如繡谷裏臨水看花枝

過沂水

我來沂水上正是暮春時狂者不可作風乎孰與期澹
煙浮漱浦清影鑒鬚眉安得招童冠時來偕詠詩

半城遇雨

平遠山如掃黛蛾計程明日過青駝瀟瀟恍聽蓬窗雨

只欠吳孃一曲歌

大風發半城行九十里抵杜莊

土舍夢難成登車第六程
山容初洗雨風意欲回晴
戶少倉庾積田欣豆麥盈
沙輕塵不起柳下小車行

宮城道中

車行日日苦塵土北風蕭颯送微雨
雨止風和塵不飛馬蹄輕疾與人舞
小車按轡月明中遠山無數擁螺峰
雞聲何處催曙色平沙一道車燈紅
此來自了名山願渡澗涉岡曾不憚
蒙陰迢遞接敖陽我馬虺隤我僕怨
春深擁被猶曉寒計程三日抵泰安
云亭勝跡曾經覽

漢柏秦松今再看

羊流道中

綠楊敲斷岸花鳴
淒清流何異橫塘路
春遊放小舟
山路甯云險徐行馬
自馴君看平地者
不少覆車人

泰安道中大風寒甚

三月今將半泰安
春未回重雲全護嶺
旭日不驅霾風
欲吹車轉沙疑挾
雨來山塘晴泛艇
應有牡丹開

登岱

紫氣瞻城北真形
鎮魯東柴燔先五嶽
祀秩配三公花

洞仙蹤祕

桃花洞在絕頂

天階磴道崇徠作
屏障鳧繹失嵒

龍物象諸天外乾坤一氣中吳門馬練白海上市樓紅

初步微風蕩升高旭日曛仙樓層棋籙御帳水聲宗萬仙

樓御帳泉爲
中途最勝處

月色懷清夜風濤散碧空

有月色泉聲風
濤雲壑諸大字

蒼茫天可問呼吸氣能通隸體開元勒宏規

聖代隆層霄通廣術千嶂護神宮

睿藻今摹石豐碑昔範銅摩挲存古意鞠躬展微衷路
爲曾遊熟心因過客忽他時更題壁選石待磨礧

十六日至張夏

盤盤曲徑石崎嶇著足人間有畏途明日開山山路盡
莫言平地可馳驅

晏城

近市人何處，霸塵古跡存。惟慚書社沮，或恐類臧孫。

平原道上寄芝巖

聽鶯樓畔記春遊，杏子單衫映碧流。誰信平原今穀雨，
北風卓午尙重裘。

德州晤汪鹿園徐鐵崖

今朝風日更暄妍，自喜潛心默禱虔。卽景微吟聊適已，
此生何事不關天。故人相見顏如舊，往事重提記不全。
一笑登車仍北首，綠楊影裏夕陽懸。

漫河

漫河北去是交河陳迹團團復此過自笑紅塵緣未盡
更將馬策換漁蓑

趙北口

十幅蒲帆漾碧流微茫遠樹認沙洲分明一派江鄉景
欲買漁竿上釣舟
不通車馬絕塵埃臨水柴門一道開隔浦人家應最樂
買魚沽酒打船回

和邱醒蘭給諫

意外獲攜手相看未改顏榮華君自異膠擾我能刪幻
態嗤蒼狗歸心寄白鷗來朝須秣馬先擬入西山

和吳少甫吏部見贈韻並柬蠡濤觀察

聯佩東華記壁箋
觚棱回首夢依然
綠蓑宅泛煙波叟
畫省香薰上界仙
雲鶴回翔超物表
江鷗飲啄慣沙邊
酒闌莫怪疎狂甚
膠漆情親廿載前

花開芍藥卸征衣
邀我重聽鋸屑霏
紅旆乍欣歸玉壘
青鞵差喜謝塵鞿
文章軾轍君家擅
風義陳雷鄙指希
尺素天南煩寄語
白頭相對話依依

顧星橋吏部招飲用少甫韻奉柬二首卽以誌別

重來賓座拂吟箋
振觸閒愁一惘然
薇省簪毫無伴侶

余初直閣同事者爲陳雲岡郭晴湖嚴藤廳聯袂有神
愛亭任領從孫春臺陸蓮庵今皆物化
君與少甫同直內閣今同官吏部升沉事已拋雲外現在身還鬪酒

邊莫道飄蕭雙鬢改此心何異廿年前

歸裝重理舊行衣要趁清和柳絮霏早覺形骸非我有
肯教局促更人鞿飲來醇味心先醉聽到朱絃識恐希

見示新詩一冊後夜酒闌吟落月應知遠客夢相依

喜晤馮玉圃給諫再用前韻

墨林珍重襲吟箋送抱推襟意藹然久識禁中推大

手又看門下列羣仙

近分校禮闈所得皆名士

結鄰曾約栖吳會

與君

余有卜築濱川之訂

攬袂何期到日邊想見櫻甯心澹定德容豐

似十年前

酒痕點滴檢春衣
揮塵重聽玉屑霏
肅羽鶚應長耀采
嘶羣馬已久辭鞿
舊遊殘夢尋無緒
同輩晨星看漸希
煨栗燂豚溫濁酒
宵分憶否一燈依

寄懷圖月村郎中

魚書寥落幾經春
臭味金蘭憶最親
行殿簪毫曾竝
轡粉垣判事每聯茵
多生文字留餘習
淨業旃檀悟夙
因寄語吳儂還望歲
隼旟何日下江津

彭守約松下聽泉圖

我愛逃名客悠然世慮輕
穿雲看岫影過雨聽泉聲
自

得琴書樂全無俗累撝惟應抱朴子知爾獨吟情

青松白鶴篇贈魏松濤同年

青松挺勁質謾謾含清風天生楨幹材占象協棟隆
亭冰雪姿獨立枳棘叢非無匠石顧小試甯固窮仰承
雨露恩葆茲正直衷君子有本性不受霜霰攻下枝施
薦蘿高枝摩蒼穹我昨行空山白石清泉中愛此堅貞
心懷與金玉同寄語植根者莫作春花紅

雲中有白鶴乃自青田來誰與按相經賞此沖霄材何
知崐閬質不受雕籠摧冥冥物外翮肅肅風前開昔依
清獻琴今伴孤山梅華軒豈不貴鷹隼還相猜珍木豈

不高金丸懼生災何如清迥心飄忽超塵埃馴養守千齡潔羽如雪皚回頭謝儔侶毋乃羨瑤臺

和范芝巖移居韻

埽除塵夢得幽栖新築平江路過西試問小園營梓里何如別館對沙隄水潭憶賞池邊柳梨帶曾留爪上泥芝巖本居香山之梨帶里寄居閭門之水潭頭却愛煙巒此地好數峯高與畫檐齊

雲松煙薦可因依今是何須說昨非羈翠庭原無俗客猗玗子已久忘機風清泮水聽鳴鳳酒湛春卮著舞衣況復聯牀來話雨德門樂事似君稀

祖德先型誌歲寒誦芬路指數弓寬蒼雲舊仰松千尺
碧蔭新移竹幾竿試拓軒窗延杳靄重裝碑版理叢殘
知君幽賞家園好縮本天平正耐看

丈室閒將篤耨薰過從兄丈喚張殷波通南北扁舟近
路隔東西一巷分好約士龍來避暑更邀平子細論文
從今來往知無厭同作天邊自在雲

盛蘋洲新得荔枝一本寫圖作詩邀余同作

閩水何時初上舶蘇臺昨日乍停驂磁盆一本矜殊絕
風味移來越嶺南

嫩葉猶含碧玉芽薰風山館綻丹葩藍紅陳紫知難得

香味還應問宋家

耳食從他詆側生
朱苞曜日熟三庚
火雲香雪知誰勝
鄉味何須執意爭

何當纖手擘輕紅
仙液神膏美在中
却似玉環新浴罷
豐肌如雪絳紗籠

貌得新圖態逼真
涪州品遜福州純
寫生也擬煩崔慤
輸爾芳香味入脣

白香山有崔慤寫荔枝圖

一株三實比神丹
瘴雨蠻煙翠葉溥
午枕松風蝶夢醒
紅雲遺事話長安

和黃蕘圃移居韻

幽栖何事賦郊居新葺司空郡北廬

宅爲國初亭就顧司空舊第

定應名燕喜室深端合記清虛待開三徑延蘭臭好列

長筵侍板輿聞道移家圖可畫茂先惟有卅車書

難將薄俗盡還淳千萬曾聞說買鄰往事山塘徵太僕

宅爲明吳因之故居相傳魏璫之禍因之遺封古廟仰

家居購五人頭藏于家事已合葬山塘

春申文彊少歲知勤學摩詰閒居貴養真爲問伯通橋

畔客近時可有姓梁人

君居宅去皋橋最近故云

花橋小築爲耽幽和韻詩新壁上留

余移居詩四首君和作最爲典博

竹榻晚涼敲綠玉松廳風細舞蒼蚪委懷我欲師前哲

抗志君真出輩流他日叢書徵野客里言重喜驗黃由

用野客叢書載
黃由得狀頭事

古井由來靜不波未能入鰾學蘇何折枝聊復舒疲體
伸紙惟應擬放歌側想高齋成蝶夢尙憐陳迹作牛磨
余于二月入都而
五月始歸故云
而今鍊得安心訣攝盡修行十種魔

題徐榆村鏡光緣傳奇

碧柳深藏小玉家桃花鳴畔夕陽斜傷心鸚鵡空傳語
那得當年古押衙

一曲琵琶聽未終天荒地老恨無窮征車迢遞關山遠
尺素驚傳塞北鴻

殘編零墨裹重重想見妝臺手自封他日搜神餘韻在

不知誰復弔昭容

樂昌安得鏡重圓聽罷新聲淚泫然香土一坏秋草滿
至今風雨怨啼鵲

虎邱詩和熊謙山方伯

桐橋迢遞接金閶天與貧民覓食鄉柳外煙濃停畫舫
隄邊日暖敞花房石闌塔影連雲影經院衣香又佛香
不是能詩白太傅誰能領此好風光

牛蟻難醫病耳聰隔溪誰遣唱玲瓏雲開頗憶遊千頃
月皎曾來坐可巾水榭清華尋惠遠酒壚零落感黃公
瀟瀟暮雨吳娘艇擬譜新詞愧未工

奢俗從來少蓋藏
江河日下也須防
愛看臺笠東郊聚
厭聽笙歌北里颺
不信風難將草偃
固知水本逐盂方
旬宣豈弟期無忝
但覺曹參治最良

散步何妨脫珮冠
閒從物外得遐觀
可無笛舫橫花渚
却羨漁翁坐石磐
客到定增鴻雪感
我來直作畫圖看
憑誰翦取西溪景
半幅煙林做范寬

陸謹庭默齋招遊山塘

青帘畫舫泛山塘
早有歌聲出野芳
浜名今日不須愁毒

熱綠陰濃處水風涼

機雲才調近無倫
勝日招呼澹蕩人
試問浮杯臨淥水

何如束帶抗黃塵

白隄柳色尙含煙可有當時態滿蟬爲語使君莫打鴨
好將餘韻繼前賢

丈八溝前好納涼何妨獵較也浮航人言蕩子銷金窟
我道貧兒覓食鄉

新署頭銜號四休散花著袂故難留衣香鬢影波光裏
不礙來迎夏統舟

東船西舫送新聲銀漢敲斜月不行待理蘭橈回曲渚
莫教魚鱗阻更深

門生李芬將歸黔中枉道過訪詩以送之

芬也黔中秀飄然出帝京看花虛遠志負米愜深情
氛靖征途穩秋高涼意生正須六月息且課兩年耕

贈袁月渚鍊師

六十鬢猶綠疑君術近仙閒中觀物化醉裏得天全客
到吟新句吾衰治寸田柏庭秋正爽還擬叩眞詮

題朱礪東畫蘭

紉佩誰憐臭味同孤芳空谷自含風故知碧玉闌干裏
不許荆蕓長一叢

輜軒曾汎楚雲涼回首東風憶國香今日松堂秋雨裏
爲君清夢度瀟湘

唐陶山明府前令荆溪寫船入荆溪圖今調任

吳江以圖索題

此邦舊日東坡遊買田築室願未酬岸容山意今猶昔
沙鳥汀花避俗客使君夙世疑坡仙陽羨溪山定有緣
開閣渚煙琴几底放衙嵐翠隼旟前紺輪移駐虹亭側
聞說寇君借不得詩襟看惹惹莫釐雲畫圖猶染荆溪色
州迴路轉竹雞啼十四年前徑欲迷秋爽善卷應更好
扁舟也擬泛晴溪

詩人盛青嶼遺照

東吳詩伯歸愚叟同時作者惟青嶼歸愚晚達入承

明青嶼樓遲老林藪卅年人事如浮雲剩有詩篇在人
口竹嘯軒前秋草荒鷺飛橋外晴波瀏誰寫溪南寄興
圖補景篁村推好手清泉白石可怡情冥心欲到無何
有乃知翰墨可寶貴其骨已埋神不朽竹井老人有題
句江南冀北懷良友想見當時舊雨情肝腸冰雪陳雷
偶我亦因之憶昔遊歸帆人去空回首粉墨能將情性
傳畫圖端賴雲仍守臨風三歎發長謠滾滾紅塵隙駒
走

歸帆亭夢堂先生讀
書處先生自號竹井

題荷亭獨坐圖爲族叔皆山

高柳蟬不鳴清波靜無暑幽人坐磐陀心與几蘧侶

弱植無所倚汙泥不敢侵知公愛蓮意欲證妙明心

遊畫禪寺寄懷崑峰在鎮江

崑公飛錫去屈指兩經春應結逍遙侶還憐膠擾身紛
紛人事異汨汨物華新何日相隨住安禪靜世塵

題南田仿雲林山水

并序

師林寺今爲畫禪寺寺故有園爲元倪瓚所
造名師子林林今歸于黃倪又有圖圖今亦
失東畬張子以所藏惲壽平仿倪畫一幅藏
于寺寺僧崑峰索余題未果今春來遊爲題
其後嘉慶二年人日

祇樹有園歸江夏東畚遺墨珍南田是圖非爲師林寫
其妙真得倪迂傳僧房啜茗慨逝歲人日讀畫懷前賢
山門玉帶有故事畫禪佳話留他年

題獨鶴圖

林間無數亂鴉啼獨影翩然下碧溪想見石壇瑤草夢
應嫌舞市格還低

題秦淮水榭圖爲陸孝廉沅

曾向淮清橋上行絲絲煙柳最關情長條秋影渾如舊
何處樓邊有笛聲

輓褚筠心學士

富貴天所命神仙不可求百年一俯仰身世良悠悠褚
公璠璵器少歲班揚儔及乎登承明名譽滿八州歐
虞盛著作閩楚瞻軒輶學士位非卑黼黻君所優健翮
乍騰騫高才仍滯留一朝脫簪紱翩然狎海鷗回看門
下士幾輩擁旌旂人生非金石早退誠良謀遺榮曾幾
時忽與雲將遊兒孫可繼志翰墨能千秋生死屈伸爾
觀化公何憂所嗟獨唱人有獻公不酬長謠用代詠聊
以慰冥幽

輓汪竹香

琢腎雕肝過此生到門疑有苦吟聲中年慕宦將心織

晚歲無田用筆耕同榜故人持使節高才弟子列清卿
嗟君窮巷栖遲老贏得區區世上名

吳秋鶴秋水懷人圖

襲芬誰信扈江籬落日停雲獨坐時吟罷四愁人不見
玉盤錦段費相思

雲岫千重樹萬重妝樓點筆墨花濃國香零落秋風弱

留與他時話玉儂

圖中畫
蘭人也

二月中旬默齋招飲觀梅

晴廊春暖風不埃仙洲內史邀觀梅梅花鄧尉號花海
賞此似雪檐前堆君家庭階森玉樹長此花下開書齋

橫斜月影動幽意清圓禽韻抒吟懷冰姿可方詩老格
鼎味預識諸郎才我來恍如到銅井何必攀陟凌崔巍
擧條弄蕊清興足一株萬樹何殊哉君言此花得地氣
灌溉不藉勤栽培秋深蟲蝕葉再茁歲寒蓓蕾盈條枚
乃知託根貴深固外境未足相磨摧春風披拂玉蕊坼
冬雪醞釀瓊葩胎高枝不許俗眼賞繁花眞爲吾儕開
東郊桃李紛滿眼嫣紅姹紫同興臺詩成大笑聊引滿
飛英一片浮金罍

三松堂集卷十二

始丁巳春
至己未秋

吳縣潘奕雋榕皋

立崖司馬用蘇東坡虎邱寺詩韻繪圖作詩同
人旣和之矣趙雲崧前輩據杜少陵壯遊篇
謂宜作懷杜閣以配仰蘇樓復作一首立崖
邀和再用蘇韻

後生瞻前賢如依麓仰嶺虛懷探詞源如以綆汲井每
從登覽餘望古發淒耿蔣侯詩中豪鯨吼噤蛙黽曩者
和蘇詩精比鏐出礦毘陵老詞伯繼聲氣愈猛高詠壯
遊篇筆健懷與騁嗟我學久荒欲和喉爲哽昨過青山

橋平田俯千頃側想高閣成拾遺跡未冷結構毫端工
名竝仰蘇永豈徒尺幅間圖繪空中景僧房多隙地新
綠橫窗影盛事不可虛左券持詩請

題方春之刺史觀我圖

竹淨不受暑蘭芳自搖風知君寫圖意諸相已全空
試問我爲誰云何復有我無我更何觀一笑當印可

張東畬雲津待渡圖

茫茫塵海苦無津勇退回頭得幾人讀畫小窗閒袖手
收帆真有自由身

萬里溪山尺幅收宦情冷似一天秋當年誰信乘槎客

今日清波狎白鷗

我亦人間一斷蓬
渡頭無復問長風
沉舟破浪何窮事
來伴漁師理釣筒

白公祠成趙雲崧前輩李松雲太守皆次公虎
邱寺路韻作詩輒和二首

武邱山下路游賞
白公頻懷古尋遺跡
聯吟見替人林
亭如有待池館又重新
可許花船泊隄畱
一道春

花船載麗

人公虎邱詩句也時頗有花船之禁故戲及之

配食宜同調
應煩相度頻
湖山開畫景
客主總詩人
塔

影前規舊

蔣園舊爲顧云美別業名塔影園

雲巖傑構新

虎邱山名卻

因今載酒更憶昔班春

袁又凱招同錢辛楣少詹王西莊光祿段懋堂
明府集漁隱小圃賞桂分韻得十三元

春風昨夜來高軒小山幽處香溫曆入門金粟枝頭繁
眾賓列坐靜不喧霏霏玉屑聆清言微波曲榭圍雲根
虛亭四面天香屯飛蕊往往浮金樽人生適意餘莫論
此樂可以祛憂煩何必圖記摹西園我衰守拙甘邱樊
君亦養素栖江村有花可嗅酒可吞卽此已足娛朝昏
況復夙好詩書敦無營自見天爵尊相期於淡安心魂
興闌穿林枝更捫笑指暮靄遙山痕肩輿兀睡入郭門

酒醒衫袖香猶存

范笏峰塞北省親圖

圖爲董東山宗伯作

塞垣草樹搖清秋綵衣才子馳驂騶富春詞伯華亭儔
濡染巨筆寫壯遊一時題者皆名流百年光景掣電遒
俯仰陳跡水上漚拂拭絹素墨韻浮二株園荒世澤畱
清門文采冶紹裘珍此一卷如琪璆我題卷尾豁病眸
長城峻絕石印幽白雲鴻爪何處求臺懷昔夢思悠悠
余於丙午春扈蹕五臺山長城嶺爲由京出口之路石印山房嶺畔僧舍白雲寺五臺最勝處也

重陽後二日畫眉泉補登高寄懷徐榆村

選勝停橈憶古歡籃輿一徑入層巒試拈竹葉憑烏几

更采黃花綴鵝冠松露滴衣渾欲溼山風吹面未全寒
何當長結棲巖侶翠柏蒼筠鎮日看

九月十四日邀畏堂雲浦兩弟虎阜補登高用

少陵藍田崔氏莊韻

輕橈出郭便心寬
撰得良辰拾墜歡
娛老最宜竹葉酒
衝煙不礙切雲冠
霜風初緊全無暑
晴日微曛尙未寒
記取卅年黃菊好
三人第一次同看

訪道圖爲汪梅村

至人去已遠大道無
山間卮言雜然陳
羣生日紛紜仙
山有紫芝餌之冀葆真
還憂精華竭故者難重新
所以

曠達士思與仝喬倫遙遙九層臺藹藹三素雲寄言獨
往者吾亦辭塵氛

倚松圖爲汪梅村

向平愛讀易亦愛名山遊長松怪石間興到竟日畱茫
茫塵事何時了我亦抽身學幽討披圖恍遇商山翁可
許相從拾瑤草

吳皋村桃花塢圖

子畏今安存桃花亦無有徒令風雅士讀畫思尙友
爲問都太僕何如唐解元扁舟濠上泊試與竹虛論

子畏

科場之獄實都
元敬搆成之

同雲浦至城南游瑞光寺

荒殿僧寥落長空塔影圓
壇松搖旭景庭鳥啄寒煙
棟宇規模在村墟井陌聯
禪門興廢異緬想赤烏年

歸塗游開元寺

城南游迹少歸路此重過
殿古無梁異碑殘有字磨
凍雲屯黶黷禪語證多羅
殿門篆字三通一日毗奈耶一日修多羅一日阿毗曇
問孫吳事寒暄下逝波

張芝岡有端溪方硯余欲以銅雀瓦硯易之先
寄以詩

君不見君家幾仲龍尾硯曾與東坡易銅劍投桃報李

兩無嫌白琥黃琮良可賤又不見子瞻藏護涵星硯以
贈純夫絕不戀前輩風流吾所師韻事流傳君亦羨端
溪君硯方而窪瓦石我硯橢無瑕二物於人初不擇流
轉移易甯殊差三松堂外雲影移瑞芝閣裏香煙霏君
才繡虎硯固幸我腕紆蛇硯豈辭開函拂拭登文席非
比貪夫愛懷璧兩家珍祕傳子孫視草草元惟所適相
期介節磨不磷應識石交真似石

林屋夜游圖爲錢子臬上舍

方壺在人世喬嶭難形求金庭玉柱間洞壑聊可游錢
郎夙具凌霄翮選勝探幽忘日夕麗句能參陶謝壇新

圖直奪倪王席秉燭追歡逸興騰春來也擬理行滕青
鞵布韞平生願捫葛攀蘿我亦能

梅石心知圖爲法梧門司成

散人耽幽棲愛梅復愛石結廬銅井畔興至便蠟屐香
風渡太湖黛色橫西磧青鞵與布韞恒作獨往客豈知
玉堂夢亦復到山澤晴窗一展卷相視眞莫逆所恨十
年餘人海未接席江南春信動又理尋芳策冥濛入煙
岑游峰上衫幘側想圖中人彷彿林間格古來賢達士
心契不以迹吟思何遜豔拜憶米老癖題詩寄詩龕清
夢定不隔瑤華儻有贈好附姑蘇驛

倩頡斯捧煩樊素手洗向右軍池几淨諧新賞瓊寒免
故思春深晴閣暖待詠二喬詩

穹窿山羅省齋鍊師索詩二首

上界鐘聲下界聞結廬最羨傍茅君但畱青眼看丹嶂
不許紅塵到白雲天際碧簫原縹緲人間蒼狗任紛紜
莫驚七十顏長好鶴骨生來本不羣

曾作鍾吾五日游愛君談笑異恒流簾前嵐翠疑排闥
檻外湖光欲上樓啜茗聽琴真不惡看山讀畫得無愁
乾坤壺裏常如此卻怪塵寰歲月遒

聞張東畚買宅木瀆

衰年厭世態野性便林居聞說靈巖下新營一畝餘波
光環戶牖嵐翠上衣裾會問東家宅相依共結廬

東畬語我

東家有宅可卜鄰也

題東畬靈巖草堂圖

野曠塵氛遠心安世慮無晴窗山翠裏自寫輞川圖
流水淡無意孤雲去自閒黃塵消綠鬢白髮對青山
我亦歸田久齋心學鍊形何當成二老偕隱誦黃庭

自題畫

隔岸山容翠欲流門前桑柘綠雲稠幽人獨坐默無語
疑是當時公閱休

吳心耕行看子

與君晤語松風中怪君五十有少容識君微趣圖畫裏
愛君早悟養生旨同年秋室我心知心耕妙理畱好詩
采蘭最羨循陔暇觀道澄懷獨坐時靜中樂事知多少
阿買題詞意頗好逸性看飛嶺上雲生機畱得窗前草
白頭高臥對青山我亦收心但愛聞花時三徑還相訪
莫遣應門早上關

袁綬階招同王述庵侍郎錢竹汀少詹段懋堂

明府蔣立崖司馬方大章諸君子飲牡丹下

以是日也天朗氣清惠風和暢爲韻分得也

字

漁隱好林亭結構最瀟灑主人隱硯北名利兩俱捨憑
軒撫流光邀我來花下風微翠幙張日暖黃蜂惹巨公
當代望羣彥擅婣雅蘭亭緬羲之清平懷白也良辰可
以歡幽憂聊復寫吾亦無事人深杯竟日把小樓面遙
岑秀色壓平野何當同鼓柁更訪巖棲者

余將作西山之遊

瑤島返魂圖爲葉東泉上舍

人天同一夢何處真吾鄉偶然落塵網修短非意量懸
知觀化心來去無迎將二土本如一屈伸理亦常汨汨
世緣盡悠悠仙路長無須尋妙子悽惻懷稠桑

書袁綬階夜遊林屋圖詩冊後

杜公送老憶仇池韓子山尖索禹碑何似綬階林屋裏
挈朋秉燭共題詩

具區七十二峰青記坐籃輿入翠屏却愧題名期不至
負他玉柱與金庭

閱姜貞毅公藝圃諫草樓二圖題後爲其曾孫
師邁

否泰信有數窮達良由天從來大厦傾一木支難堅
義貞毅公峻節何凜然至今流寓地迹沒名猶傳思陵
非弱主奮志求安全惜哉宵肝心不辨奸與賢我瞻諫

草樓想見拜杖年遺圖覘世澤足以愧寒蟬

范文穆公祠和芝巖韻時祠新葺

城灣指點古重闌別館當年寄退身國賴蓋臣弭外患
天供暇日作詩人就荒久悵雲仍杳起廢重瞻丹雘新
記熱心香薦湖水春風少歲往來頻

觀成此日喜重過四壁詩篇字未磨南渡勳名餘晚照

西征文采付晴波

公有西征集

可無蓮幕參吟席

謂陸渭南

尚有

奎章耀礪阿

壽皇賜石湖二字尚存

却憶鏡湖三百里龜堂遺址

近如何

題瞿安槎林屋訪刻圖兼簡竹汀詹事

左神幽虛天迴與塵凡隔自非餐霞儔未許駐遊屐安
槎好奇士撰日竟挂席仲冬氣候佳一葉入空碧遂造
神景宮再宿仙靈宅靜聆夕籟清暖嚙晨霞赤石壇肅
朝禮玉簡恣紉繹探幽愜勝情訪古矜創獲詩成三十
首警逸可鐫壁作記四千言典核補遺籍歸來復寫圖
惝阻咫尺何時拾墜歡更擬理輕策風林雲竇間聊欲
岸吾幘白芝如琅花一一手自摘道芽期日長世慮庶
冰釋却愁仙骨乏滯畱仍物役三復紀遊篇習習風生
腋題詩堅後約兼以質詞伯

盆菊已殘移置牆下慨然成詠

衰謝存高格遷移近短牆物情知去就客意豈炎涼遇
賞憐遲暮隨時甘退藏卓哉霜下傑誰復采餘芳

題畫二首

秋山淡似客秋樹艷於霞寄語塵中人莫但矜春花
雲外聞鐘聲有寺不知路何當邀詩僧煮茶共聯句

秋林散帙圖爲錢竹汀前輩

山居塵事息爽氣疎林橫車馬謝時客羲皇怡我情羲
皇去已久縹緲遇以神古來賢達士內重外自輕知公
冲夷胷無殊在承明竹素良可悅繕性非近名時披

天賜帖或聽松風聲優哉適其適所欣心太平

哭平陽姊

鼓盆哀運蹇摧折又同根痛我今無母嗟君未抱孫貧
難尋上藥書不信東垣素幔陳蔬奠平生忍復論
藁砧年六十終夜獨含悲縱使長開眼難酬未展眉塵
緣今日斷淨業夙根持泉路迷誰引還憑我佛慈

喜徐榆村過訪訂遊畫眉泉

負疚過新年經旬謝世緣今宵迎好友翦燭讀新篇無
藥能醫老得閒便是仙寒輕期放艇同酌畫眉泉
太上皇帝賓天在籍臣工集永定講院述哀二律

哀詔頒南國悲聲動北辰雨花如濺淚風柳不搖春瑞

紀山呼杳寒微鶴語神

連日風雨寒甚

普天同喪考至孝頌

皇仁

武烈兼

文德涵濡徧八荒生民眞未有沒世不能忘脫綬綬慚樗
質瞻

天忝鷺行攀髯恨無路灑涕仰穹蒼

嘉慶四年三月三日值曲水觴詠之辰爲八音

遇密之歲礪東朱子壽階袁子招集漁隱小

圃迺屏嘉肴淪苦茗是日也微雨初晴六合

生澗有樂不設虛觴停流談藝論古列坐移
晷闊蹤旣接鬱情以宣雖狂猥殊懷而俯仰
俱適言志有作繼聲竝陳同集者范來宗方
燮鈕樹玉黃丕烈瞿中溶顧廣圻夏文燾孫
延許鑑暨主人朱成袁廷檣兆藻與奕雋期
而未至者李福也

小雨何妨踐夙期
筍輿出郭路威遲
樹頭花少春垂老
池面風柔魚未知
可使林亭虛故事
直將絃管換新詞
生涯冷淡眞堪記
翦取吳縑付畫師

三月初六日朱礪東袁綬階同遊天平山夜宿

白雲精舍子世璜侍

退身合向白雲藏振策今朝到上方已喜清言有客領
更將閒味引兒嘗弄晴鳥語晨偏好疑雨泉聲夜轉長
信宿僧窗塵事絕衰年那肯伴人忙

六十生辰述懷

荏苒吾生甲子周匆匆義馭若爲留花鬚柳眼延新賞
黃壤青霄念舊游老物自來甘棄置餘齡從此付浮休
尊前莫笑摧頽甚羣從相看半白頭

采藻猶思舞象年垂髫俯仰已華顛
螭頭夜聽銀壺漏
豹尾秋穿紫塞煙南國輜軒餘短夢

橋山風雨愴遙天退飛鵠翩飛真倦報答

昇平但力田

歸休魂夢此心安修竹東軒種幾竿隱几但攜無患子

括囊自守太和官

黃庭經口爲玉池太和官

鬚燔李勣憐同氣盆鼓

莊周庶達觀差喜三枝荆竝茂飛騰暮景要追歡

禽聲花影護三松有子歸來共課農飽飯殘年時屏藥
隻雞近局不扶筇蚓紆雪繭聊排悶蝶化桃笙任放慵
聞道天平晴正好待攜吟侶入雲峰

垂釣圖爲單蘭浦

柳陰濃處波紋細倚艇持竿聊小憩浮雲流水契幽襟

有魚無魚甯復計綠晦山房枕碧流紅塵滾滾白人頭
棕輭桐帽思閒味也擬敲鍼作釣鉤

默齋送菊詩以招飲

淵明昔賦歸來辭不肯折腰向小兒入門松菊喜無恙
一尊日夕東籬持我庭有松竟無菊松若有知笑人俗
士龍憐我太荒寒貽贈黃金聯碧玉白頭同對傲霜枝
霜清月冷蟹正肥相期卜夜開家醞何必王宏遣白衣
同年王秋樵儀曹令子友硯畫看松調鶴圖索
題詩以勉之

仙禽抱奇質喬柯挺殊姿沖煙在羽豐植根斯蕃枝邈

焉君子心迴與雲霄期朝菌憐小年斥鷃陋小知寄言
自立者培養須乘時

朱礪東將之京師寫北遊圖冊索題

漁隱春晴修禊飲白雲夜坐聽泉聲人間俛仰成陳迹
又向江頭送客旌

南天門外曉煙浮月色泉聲話舊游絕頂他時看練影

詩成好附向南郵

礪東將作
登岱之遊

征衫不點驛程埃四月燕郊淑景催芍藥滿街新雨霽
題詩先上郭隗臺

寒碧莊雜詠爲劉蓉峰

傳經堂

讀書貴明心詳說要反約六經如衢尊深淺隨人酌於
中苟有得諸子可屏卻君家守世業豈爲博人爵卻笑
噉名子紛紛矜著作

綠蔭軒

華軒窈且曠結構依平林春風一以吹眾綠森成陰流
波漾倒影時鳥送好音欄邊花氣聚柳外湖光沉自非
餐霞客誰識幽居心

聽雨樓

小樓春睡足檐溜聲方長遙想東西塍沃我麻與桑耳

根旣已淨恍疑聽笙簧槽牀新筴滴相和聲淋浪我亦
將飲酒雨行甯慕臧

卷石山房

卷石洵幽奇一一羅窗戶根含莫釐雲穴滴太湖雨秀
色分遙岑煙光來隔浦幽人不出門嵐翠環廊廡疑有
舊題名剡苔坐懷古

空翠閣

傑閣出林間卓立企幽致蕭蕭青琅玕藹藹團空翠側
想古高士於中遺世累我來散塵氛清風灑然至坐久
身已忘何況身外事

琴山叢桂圖爲范芳谷

聞說幽棲日林深愜勝遊秋風一夜動香氣四山浮入
夢花枝好關心蟾影流何當重挈侶吟嘯坐峰頭

贈硯圖爲范芝巖

吳中韻事近今無易硯圖煩妙手摹笑被老元偷格律

更將贈硯寫新圖

余以銅雀瓦硯易得張芝岡端溪方硯作七古一首并乞同年東畬寫易

硯圖以紀事芝巖因東畬贈硯亦作七古乞東畬寫贈硯圖故戲云爾

墨池試筆戲羣鴻記取陶泓第一功高誼指困真不愧
硯田從此歲常豐

佳話流傳憶去年披圖筆勢認翩翩空憐粉墨隨長夜

三絕何人似鄭虔

東甌下世
今年矣

爲王一亭題其尊人養木先生鴻雪仙蹤遺影

秦淮泛舟

畫舫青帘記俊游
絲絲楊柳蘸清流
招人波影渾如舊
贏得朱顏盡白頭

榆關秋獵

獸肥草淺馬蹄輕
應手驚飛霹靂聲
紫塞穹廬前夢杳
披圖耳後有風生

東亭納涼

署字哦松鬢雪侵
欲將雲水洗塵襟
仙翁老去東湖冷

誰識輪囷報國心

襄江夜泊

襄江落日漾西風
驛路秋光畫裏同
輪與扁舟吟興好
坐看蟾魄浸鮫宮

鮑氏慈孝堂詩

歛水奇蹤在龍山
世澤傳倉皇天性見
慈孝一家全往
事垂遺冊新題煥
後賢虬枝深谷裏
千載起寒煙

臥游圖

青山門外學王蒙
裴几湘簾興未窮
鎮日高齋閒讀書
不知身在畫圖中

我已山居近十年間身久擬老雲泉臥游輪爾幽棲穩
只恐松風攪晝眠

黃小松司馬得胡玉潤松下清齋圖寄贈陸孝
廉謹庭謹庭索詩和翁覃溪學士韻

濤聲謖謖飛天外排闥龍蛇駭神怪清齋松下招客談
出入仙禪兩無礙啜茗敲詩記數遊科頭箕踞長相對
秋士晨同讀畫來風窗夜作銷寒會小松圖補覃溪詩
和篇曾破雕肝戒

謹庭松下清齋翁覃溪先有詩小松補圖余曾和翁詩

何來舊

本得胡三巧合相投似針芥幽秀真同大陸居清蒼不
異西泠派昨朝陸子到荒齋徵詩累我添吟債我家堂

下有松三時亦舊雨來情話月色泉聲憶昔游層巒曲
磴如登岱歸田前事悼趨營塞兌新知歸斂退有口不
其阮生論有絹不索韋侯畫晴色惟看鶴背雲雨聲恍
聽春溪瀨今朝展卷忽回頭几上庭前同偃蓋摩挲病
眼試隄靡呼童更把烏絲界詩成拂檻松風來收視虛
堂還艮背

歷巖道士雲泉獨坐圖

白雲出層岡清泉滴幽竇靜是動之君剝處已含妍游
山得真詮心契亦目覩試與問希夷吾言似非謬

世外傳薪圖爲道士羅覺非

昔歲庚戌游鍾吾看、讀書興不孤靜者羅君公遠後
談笑灑落如吾徒別、心今忽十載鬚鬢未改神彌腴
乃知棲巖汲谷侶得道、迺與塵凡殊當年鐵竹得真授
師弟問道曾傳圖今之此圖意不異世外密諦心相符
我今歸田世味薄元覽亦欲棲神區蹉跎顛頂空積雪
決驟隙影無畱駒延齡非乏松菊好味道何時得道樞
披圖起敬復發喟寸田尺宅吾其蕪

和范芝巖同李涪江遊上真觀韻

新詩吟大范格勝六朝陰撰日良朋共探奇疊嶂深湖
光披萬頃松蔭仰千尋拂拭題名處應憐碧蘚侵

庚戌
歲除

與芝巖同遊
題名石壁

方外羅金侶修真翠靄間焚香依絳闕列屋儼仙班身

退吟情健心閒世慮刪遙知攜手日笑我戀塵寰

來詩有閒

居懷騎省之句故云

龔孝廉仕達不繫舟圖

身世原無繫羣情自繫之惟應見獨者心與水雲期
葭莢渺無際孤舟意自長濟川能展抱不必戀瀟湘